



## SARAJEVO 2014

MIROVNI DOGAĐAJ

Sarajevo, 6 - 9 Juni 2014

### ***Iz vijeka rata i nasilja...***

2014. godine obilježava se 100. godišnjica od početka Prvog svjetskog rata, čiji je početak obično prikazan atentatom na nadvojvodu Franza Ferdinanda, koji je izvršen 28.06.1914. godine u Sarajevu. Ovaj datum se može posmatrati kao simboličan datum početka globalne dominacije strukturalnog i kulturalnog nasilja i vijeka "kulture rata i nasilja", tokom kojeg su se desila dva svjetska i mnogobrojni regionalni ratovi i konflikti - uključujući i one koji su se desili u bivšoj Jugoslaviji tokom 1990ih godina.

### ***...ka kulturi mira, nenasilnog djelovanja i pravde***

Međutim, 20. i početak 21. stoljeća takođe bilježe i globalni rast nenasilnog djelovanja i postignuća kao alternativa ratu i nasilju. Povećani napor u cilju postizanja globalne i društvene pravde, poštivanja ljudskih prava, mira i pomirenja su sadržani u Deklaraciji Ujedinjenih Nacija o Međunarodnoj dekadi kulture mira i nenasilja (2001-2010).

Mirovni događaj Sarajevo 2014 je priznanje svim mirovnim inicijativama koje cvjetaju desetinama godina, ali i podsjetnik da se mir mora njegovati. Mirovni događaj Sarajevo 2014 će biti međunarodna platforma za razmjenu informacija i diskusije na različite teme vezane za nenasilno djelovanje i mir.

Želimo promovisati i podržati kulturalnu promjenu za mir. Pozivamo Vas da se priključite aktivnostima i događajima, razgovorima i razmjenama ideja i iskustava sa učesnicima iz regiona, drugih evropskih zemalja i zemalja cijelog svijeta, i da aktivno učestvujete u cijelom procesu.

Glavne teme Mirovnog događaja Sarajevo 2014 su:

- Mir i društvena pravda
- Kultura mira i nenasilnog djelovanja
- Rodna ravnopravnost, žene i mir
- Pomirenje i suočavanje sa prošlašću
- Militarizam i alternative

Ukoliko ste zainteresovani da organizujete svoje aktivnosti u sklopu Mirovnog događaja Sarajevo 2014, molimo da ispunite formular "Poziv za prijedloge", koji možete pronaći na web stranici [www.peace-event.eu](http://www.peace-event.eu).

#### **RADNE GRUPE**

UMJETNOST I KULTURA	<a href="mailto:culture@peaceeventsarajevo2014.eu">culture@peaceeventsarajevo2014.eu</a>
MIROVNI KAMP ZA MLADE	<a href="mailto:youth@peaceeventsarajevo2014.eu">youth@peaceeventsarajevo2014.eu</a>
KOMUNIKACIJA	<a href="mailto:com@peaceeventsarajevo2014.eu">com@peaceeventsarajevo2014.eu</a>
FORUM	<a href="mailto:forum@peaceeventsarajevo2014.eu">forum@peaceeventsarajevo2014.eu</a>

## Međunarodni forum

Međunarodni forum se sastoji od više od 100 radionica, plenarnih sesija, konferencija i okruglih stolova, koji će se održati na centralnim lokacijama u Sarajevu. Istaknuti govornici, kao što su dobitnici Nobelove nagrade za mir Mairead Maguire i Adolfo Perez Esquivel, će učestovati na otvaranju i zatvaranju Mirovnog događaja Sarajevo 2014.

## Mirovni kamp za mlade

*Upoznajte mlade iz regiona, drugih evropskih zemalja iz cijelog svijeta!*

Mirovni kamp za mlade je mjesto gdje će se sastati mladi aktivisti i zagovarači mira sa prostora Balkana, iz drugih evropskih zemalja i zemalja cijelog svijeta, kako bi se upoznali sa ljudima koji slično razmišljaju, učili jedni od drugih, i ostvarili prijateljstva, razumijevanje i društvene mreže. Principi kampa su nenasilno djelovanje, kultura mira i ljudskog dostojanstva, te vrijednosti kao što su pluralizam, demokratija, nediskriminacija, tolerancija, pravda, solidarnost i rodna ravnopravnost.

Učesnike Mirovnog kampa za mlade pozivamo da učestvuju u svim aktivnostima Mirovnog događaja Sarajevo 2014, a biće realizovane i konkretne samoorganizovane aktivnosti u sklopu kampa, kao što su različiti seminari, radionice, kreativne i kulturne aktivnosti i sportske aktivnosti! Poseban naglasak će biti stavljen na interkulturalno razumijevanje i dijalog, pomirenje i suočavanje sa prošlošću, te obrazovanje za mir i nenasilno djelovanje. Planirani su različiti pristupi - fokusirani na približavanje učesnika iz različitih zemalja - od vršnjačkog obrazovanja do obuka iz oblasti nenasilnog djelovanja, seminara na temu pomirenja i stručnih dijaloga.

## Aktivnosti iz oblasti kulture

*Pozorišne predstave / Dječija zona / Poezija / Književnost / Performans / Umjetničke radionice / Projekcije filmova / Izložbe umjetničkih djela i fotografija / Koncert / Ulične aktivnosti / Mirovne igre / Prezentacije književnih djela*

Glavni trgovi u Sarajevu će biti pretvoreni u živopisne kulturne centre gdje će se održati različite aktivnosti tokom Mirovnog događaja Sarajevo 2014, povezujući kulturne aktivnosti i projekte iz oblasti nenasilnog djelovanja sa arhitekturom grada. Mnogobrojne galerije, pozorišta i druge institucije će učestvovati u izložbama i aktivnostima za promociju mira. Na jednom od ovih trgova ćete pronaći i "Mirovni sajam", mjesto sastajanja za učesnike Mirovnog događaja Sarajevo 2014 i druge zainteresovane osobe, koji uključuje prostor za dijalog, razmjenu informacija i promociju rezultata rada nevladinih organizacija u BiH i svijetu.



Mirovni događaj Sarajevo 2014 organizuju  
**Međunarodni koordinacioni odbor i Nacionalni komitet.**

### Članovi Međunarodnog koordinacionog odbora su:

*Alessandro Capuzzo (Comitato pace convivenza e solidarietà Danilo Dolci, Trieste)*  
*Bernard Drèano i Philippe Bourdier (HCA France, Paris)*  
*Christian Renoux (International Network for a Culture of Nonviolence and Peace, Paris)*  
*Dragana Dardić (HCA Banja Luka)*  
*Goran Bubalo (Mreža za izgradnju mira / Network for Building Peace, Sarajevo)*  
*Ljuljeta Goranci Brkić (Nansen Dialog Center, Sarajevo)*  
*Pete Hämmerle (Versöhnungsbund Austria, Wien)*  
*Reiner Braun (IALANA, Berlin)*

*Zaira Zafarana (Comitato Italiano per una Cultura di Pace e Nonviolenza / MIR Italy, Torino)*

### Članovi Nacionalnog komiteta su:

*Azra Pita-Parente (Fondacija za kulturni, obrazovni i društveni razvoj "Publika")*  
*Dragana Dardić (Helsinkiški parlament građana Banja Luka)*  
*Dubravka Dostal (Međunarodni centar za mir)*  
*Gerd Scheuerpflug i Mersad Gušić (Institut za razvoj mladih KULT)*  
*Goran Bubalo (Mreža za izgradnju mira)*  
*Ibrahim Spahić (Kulturni forum u BiH)*  
*Ljuljeta Goranci Brkić (Nansen dijalog centar)*  
*Michele Parente (Forum Ziviler Friedensdienst e.V. (forumZFD))*